

আরো চাই যে, আরো চাই গো— আরো যে চাই ।
 ভাঙারী যে সুধা আমায় বিতরে নাই ॥
 সকালবেলার আলোয় ভরা এই-যে আকাশ বসুন্ধরা
 এরে আমার জীবন-মাঝে কুড়ানো চাই—
 সকল ধন যে বাইরে আমার, ভিতরে নাই ॥
 প্রাণের বীণায় আরো আঘাত, আরো যে চাই ।
 গুণীর পরশ পেয়ে সে যে শিহরে নাই ।
 দিনরজনীর বাঁশি পূরে যে গান বাজে অসীম সুরে
 তারে আমার প্রাণের তারে বাজানো চাই ।
 আপন গান যে দূরে তাহার, নিয়ড়ে নাই ॥

Parjaay: Puja, Taal: Kaharwa, Raag: Ramkeli
 Visit www.geetabitan.com for notation and other detail